

საერთო მიზნები

ევროკავშირისა და საქართველოს შორის ურთიერთობა რეგულირდება **“შეთანხმებით პარტნიორობისა და თანამშრომლობის შესახებ”**, (რომელიც ძალაში შევიდა 1999 წლის 1 ივლისს). ეს დოკუმენტი არის თანამშრომლობის პოლიტიკური და სამართლებრივი საფუძველი. კიდევ ერთი დოკუმენტი, რომლითაც **“ევროპის სამეზობლო პოლიტიკის”** ფარგლებში ევროკავშირისა და საქართველოს შორის ურთიერთობა რეგულირდება არის **სამოქმედო გეგმა**. „ევროპის სამეზობლო პოლიტიკა“ 2004 წელს იმ მიზნით შეიქმნა, რომ თავიდან ყოფილიყო აცილებული ახალი გამყოფი ხაზები ევროპაში და განმტკიცებულიყო სტაბილურობა, კეთილდღეობა და უსაფრთხოება გაფართოების პროცესში მყოფ ევროკავშირში და მის სამეზობლოში.

სამოქმედო გეგმა საქართველოს და ევროკავშირის შორის შეთანხმებული პოლიტიკური დოკუმენტია, რომელიც განსაზღვრულია თანამშრომლობის ორმხრივი სტრატეგიული მიზნები ხუთი წლით (2007-2011 წლებში), მოკლე და საშუალოვადიანი პრიორიტეტებით. სამოქმედო გეგმას წინ უძღვის **ქვეყნის შესახებ ანგარიში**, რომელსაც ევროკომისია ამზადებს. სამოქმედო გეგმის შეთანხმებით საქართველო და ევროკავშირი იღებენ ვალდებულებას, გააღრმავონ ეკონომიკური ინტეგრაცია და ორმხრივი პოლიტიკური თანამშრომლობა შემდეგ სფეროებში:

- საგარეო პოლიტიკა;
- სამართალი;
- ენერჯეტიკა;
- ტრანსპორტი;
- სიღარიბის დაძლევა;
- თავისუფლება და უსაფრთხოება, განსაკუთრებით საზღვრის მართვის და მიგრაციის სფეროებში;
- გარემოს დაცვა.

თანამშრომლობის პრიორიტეტები

ევროკავშირისა და საქართველოს შორის თანამშრომლობის ძირითადი მიზნები და პრიორიტეტები ორ ძირითად დოკუმენტშია ჩამოყალიბებული, ესენია: სტრატეგიის განმსაზღვრელი დოკუმენტი CSP (2007-2013) და ეროვნული ინდიკატური პროგრამა NIP (2011-2013).

მიზნების განსაზღვრა

სტრატეგიის განმსაზღვრელი დოკუმენტი, რომელიც ევროკავშირის მიერაა მომზადებული, აღწერს პოლიტიკურ, ეკონომიკურ, სოციალურ სიტუაციას და ინსტიტუციების მდგომარეობას საქართველოში. ანგარიშში განსაზღვრულია, თუ როდის და როგორ უნდა განვითარდეს უფრო ინტენსიური ურთიერთობები ქვეყანასთან. ამ დოკუმენტზე დაყრდნობით მიიღება პოლიტიკური გადაწყვეტილება შემდეგი ეტაპის - სამოქმედო გეგმის მიღების შესახებ.

სტრატეგიული დოკუმენტი საქართველოს შესახებ **რვა პრიორიტეტულ სფეროს** მოიცავს, ესენია: კანონის უზენაესობა - ბიზნეს გარემოს გაუმჯობესება - ეკონომიკური განვითარება და სიღარიბის დაძლევა-თანამშრომლობა სამართლის, კანონიერების, უსაფრთხოების და საზღვრის მართვის სფეროებში - რეგიონული თანამშრომლობა - შიდა კონფლიქტების მოგვარება- თანამშრომლობა საგარეო და უსაფრთხოების სფეროში-ტრანსპორტი და ენერჯეტიკა.

ეროვნული ინდიკატური პროგრამის ოთხი პრიორიტეტი

ეროვნული ინდიკატური პროგრამის ფარგლებში (ევროპის სამეზობლო პოლიტიკის ინსტრუმენტის საშუალებით) ოთხი პრიორიტეტული სფეროს დასაფინანსებლად, 2011-2013 წლებისთვის, €180.29 მილიონია გამოყოფილი.

- **დემოკრატიული განვითარება, კანონის უზენაესობა და მმართველობა** (€45- €63 მლნ), რომლის ფარგლებში ხდება დამოუკიდებელი მედიის, პოლიტიკური პლურალიზმის, ადამიანის უფლებების, სამოქალაქო სექტორის, ასევე, სამართლებრივი რეფორმის, სახელმწიფო რეფორმების მართვის და საჯარო სამსახურის რეფორმის მხარდაჭერა.
- **ეკონომიკური განვითარება** (€27- €45 მლნ), რომელშიც შედის ვაჭრობის და ინვესტიციების ხელშეწყობა და რეფორმა რეგულირების სფეროში, კერძოდ, სამომავლო ღრმა და ყოვლისმომცველი თავისუფალი ვაჭრობის შეთანხმების მომზადების პროცესში დახმარება და რეფორმების მხარდაჭერა ევროპის სამეზობლო პოლიტიკის სამოქმედო გეგმით განსაზღვრული პრიორიტეტულ სფეროებში.
- **რეგიონული განვითარება, მდგრადი ეკონომიკური და სოციალური განვითარება და სიღარიბის დაძლევა** (€61-€81 მლნ), რომელშიც შედის სოციალური რეფორმების და სოციალური დაცვის ხელშეწყობა, მდგრადი განვითარება, გარემოს დაცვის ჩათვლით, ასევე განათლება, უნარ-ჩვევების განვითარება და მობილურობა.
- **საქართველოს შიდა კონფლიქტების მშვიდობიანი მოგვარება** (€9- €18 მლნ).

დამატებითი ინფორმაციის მისაღებად იხილეთ

ევროკავშირის წარმომადგენლობა საქართველოში
http://www.eeas.europa.eu/delegations/georgia/index_en.htm

ევროკავშირის საგარეო სამსახური
http://eeas.europa.eu/foreign_affairs/index_en.htm

ევროკომისიის საგარეო დახმარების დირექტორატი (DG EuropeAid)
http://ec.europa.eu/europeaid/where/neighbourhood/country-cooperation/georgia/georgia_en.htm

ENP
http://ec.europa.eu/world/enp/index_en.htm

ENPI
http://ec.europa.eu/world/enp/pdf/oj_l310_en.pdf

ENPI Info Centre
www.enpi-info.eu

EUMM
<http://www.eumm.eu>

„ევროკავშირი 27 წევრი ქვეყნისგან შემდგარი გაერთიანებაა. მისი წევრები წლების მანძილზე ერთმანეთს ცოდნასა და გამოცდილებას უზიარებდნენ და, საერთო მომავლის შესაქმნელად, თავიანთ რესურსებს აერთიანებდნენ. 50 წლის განმავლობაში ევროკავშირის წევრმა ქვეყნებმა ერთად შექმნეს სტაბილური სივრცე დემოკრატიის და მდგრადი განვითარებისთვის. ამ პროცესში მათ შეინარჩუნეს კულტურული მრავალფეროვნება, ტოლერანტობა და ადამიანის პირადი თავისუფლებები. ევროკავშირის ამოცანა სწორედ ამ მიღწევების და ფასეულობების გაზიარებაა მის საზღვრებს მიღმა მყოფი ადამიანებისა და ქვეყნებისთვის.“


ევროკავშირის წარმომადგენლობა საქართველოში
 ნინო ჩხეიძის 38, თბილისი 0102 საქართველო
 ტელ: (995 32) 294 37 63
 ფაქსი: (995 32) 294 37 68
 DELEGATION-GEORGIA@eeas.europa.eu

პუბლიკაცია მომზადდა ევროკავშირის მიერ დაფინანსებული ENPI-ს საინფორმაციო ცენტრის მხარდაჭერით
 © ევროკავშირი 2011
 დაბეჭდილია შპს „Calamus Grpahic Studio“-ში

პარტნიორობა კეთილდღეობისთვის

ევროკავშირი და საქართველო

ევროკავშირის წარმომადგენლობა საქართველოში





© ევროკავშირი

ოთხმოცდაათიანი წლებიდან მოყოლებული ევროკავშირის და საქართველოს შორის ურთიერთობა სტაბილურად ვითარდებოდა და მჭიდრო პარტნიორობის სახით ჩამოყალიბდა. ეს ურთიერთობები განსაკუთრებით 2003 წლის „ვარდების რევოლუციის“ შემდეგ განმტკიცდა, როდესაც ევროკავშირმა კიდევ ერთხელ დაადასტურა საქართველოს ეკონომიკური, სოციალური და პოლიტიკური მხარდაჭერა.

ევროკავშირი დახმარებას უწევს საქართველოს ევროკავშირის სტანდარტებთან დაახლოების ამბიციური გეგმის შესრულებაში. დახმარება,

რომელიც მთელი ქვეყნის მასშტაბით ხორციელდება, ევროკავშირისა და საქართველოს შორის შეთანხმებულ პრიორიტეტულ სფეროებზე ვრცელდება. ევროკავშირს სურს, რომ საქართველოს სახით იხილოს წარმატებული ქვეყანა, რომელმაც მიაღწია დასახულ მიზანს და უზრუნველყო ადამიანთა კეთილდღეობა. ევროკავშირი მზადაა თავის პარტნიორ ქვეყანას შიდა კონფლიქტების მშვიდობიან მოგვარებაში დაეხმაროს.

2008 წლის ომის შემდეგ ევროკავშირმა წამყვანი როლი იკისრა საქართველოში სტაბილურობის დამკვიდრებაში.

ევროკავშირის წარმომადგენლობა საქართველოში 1995 წელს გაიხსნა. წარმომადგენლობას წამყვანი როლი ეკისრება ევროკავშირისა და საქართველოს შორის ორმხრივი თანამშრომლობის ახალ ეტაპზე გადასვლაში. წარმომადგენლობა ხელს უწყობს ურთიერთობების და თანამშრომლობის განვითარებას, ერთის მხრივ, ქვეყნის მთავრობასთან და, მეორეს მხრივ, ევროკავშირის ინსტიტუტებთან. მას მინიჭებული აქვს სრული დიპლომატიური სტატუსი და უფლებამოსილება, აწარმოოს მოლაპარაკება ევროკავშირის თანამშრომლობის პროგრამებთან დაკავშირებით და მოახდინოს მათი კოორდინირება.



ევროკავშირის სტენდი თბილისის წიგნის ფესტივალზე

რა გზით ხდება დახმარების გაწევა

საქართველო დახმარებას სხვადასხვა ფინანსური ინსტრუმენტებიდან იღებს. ეს ინსტრუმენტები ევროკავშირმა სამეზობლოს ქვეყნებში დახმარების პროგრამების ეფექტურად განხორციელების მიზნით შეიმუშავა.

ერთ-ერთი მთავარი ევროკავშირის სამეზობლო და პარტნიორობის ინსტრუმენტი (ENPI), რომელიც 2007 წლის იანვარში ამოქმედდა და მიზნად ისახავს „ევროკავშირის სამეზობლო პოლიტიკის“ განხორციელებას. ევროკავშირის სამეზობლო და პარტნიორობის ინსტრუმენტის საშუალებით ევროკავშირი 17 ქვეყანას უწევს დახმარებას, ესენია: აზერბაიჯანი, ალჟირი, ბელარუსი, ეგვიპტე, საქართველო, სომხეთი, ისრაელი, იორდანია, ლიბანია, ლიბია, მაროკო, მოლდოვა, პალესტინის ხელისუფლება, რუსეთი, სირია, ტუნისი და უკრაინა. ევროკავშირის სამეზობლო და პარტნიორობის ინსტრუმენტმა, რომლის ბიუჯეტი 2007-2013 წლებისთვის 12 მილიარდი ევროა, ჩაანაცვლა დახმარების წინა პროგრამები - „ტასისი“ აღმოსავლეთი სამეზობლოს ქვეყნებში და „მედა“ სამხრეთი სამეზობლოს ქვეყნებში.

თანამშრომლობის სხვა საშუალებებია:

- ინსტრუმენტი „თანამშრომლობა განვითარების ხელშეწყობის მიზნით“ (DCI) - სიღარიბის დაძლევაში დახმარება;
- დემოკრატიის და ადამიანის უფლებების ევროპული ინსტრუმენტი (EIDHR) - თავისუფლების, დემოკრატიის, ადამიანის უფლებების და კანონის უზენაესობის მხარდაჭერა;
- სტაბილურობის ინსტრუმენტი (IFS) - ეფექტიანი, დროული, მოქნილი და ინტეგრირებული რეაგირება კრიზისულ და საგანგებო სიტუაციებში ან პოლიტიკური არასტაბილურობის დროს (მაგ. კონფლიქტები აფხაზეთსა და სამხრეთ ოსეთში);
- სასურსათო უზრუნველყოფის და სიღარიბის დაძლევის პროგრამა (FSP) - სიღარიბის შემცირებაში მონაწილეობა საბიუჯეტო დახმარების საშუალებით;
- მაკროსაფინანსო დახმარების ინსტრუმენტი (MFA) - სავადასახადო ბალანსის დახმარება და ბიუჯეტის საშუალოვადიანი სესხებით და გრანტებით დახმარება (საერთაშორისო სავალუტო ფონდთან და მსოფლიო ბანკთან ერთად).



© ევროკავშირი

ფართომასშტაბიანი რეგიონული თანამშრომლობა

2009 წლის გაზაფხულზე ევროკავშირმა გაააქტიურა აღმოსავლეთ პარტნიორობის ინიციატივა, რომლის მიზანია პოლიტიკური და სოციალურ-ეკონომიკური რეფორმების მხარდაჭერა აზერბაიჯანში, ბელარუსში, საქართველოში, სომხეთში, მოლდოვასა და უკრაინაში. აღმოსავლეთ პარტნიორობის ინიციატივა გულისხმობს უფრო მჭიდრო პოლიტიკურ ურთიერთობებს შემდეგი მიმართულებით:

- ახალი ასოცირების შესახებ შეთანხმებების პერსპექტივა;*
- ევროკავშირში გაძლევიანი ინტეგრირება თავისუფალი ვაჭრობის შესახებ შეთანხმებების საფუძველზე;
- გადადილებული მოგზაურობა ვიზების თანდათანობითი ლიბერალიზების და არალეგალური მიგრაციის წინააღმდეგ გატარებული ზომების შედეგად;
- მეტად განვითარებული ენერგოუსაფრთხოება;
- გაზრდილი ფინანსური დახმარება.

საქართველო აქტიურ როლს თამაშობს შავი ზღვის სინერჯის რეგიონულ ინიციატივაში, რომელიც ევროკავშირმა 2007 წელს შექმნა და რომელიც შავი ზღვისპირა ქვეყნების და მათი მეზობლების დაახლოებას ემსახურება. ინიციატივის ფარგლებში ძირითადი ყურადღება ექცევა საერთო ინტერესის საკითხებს, გარემოს დაცვის, ენერგეტიკის და რეგიონული კონფლიქტების ჩათვლით. საზღვისპირა თანამშრომლობა და სამოქალაქო საზოგადოებასთან მუშაობა შავი ზღვის სინერჯის უმნიშვნელოვანესი კომპონენტებია.

* 2010 წელს ევროკავშირმა დაიწყო საქართველოსთან მოლაპარაკებები ასოცირების შესახებ შეთანხმების გაფორმების შესახებ.



გველეთის ვანის საზომი სადგური

© ევროკავშირი

კონფლიქტის შემდგომი დახმარება

90-იანი წლებიდან ევროკავშირი საქართველოს შიდა კონფლიქტების შედეგების შემსუბუქებაში ეხმარება. ამ ხნის განმავლობაში მნიშვნელოვანი ჰუმანიტარული და ეკონომიკური რეაბილიტაციის, ასევე ნდობის აღდგენასა და დიალოგზე მიმართული პროგრამები განხორციელდა კონფლიქტის რეგიონებში და მოსახლეობას შორის ნდობის აღდგენას ემსახურებოდა. ეს პროექტები მოიცავდა იძულებით გადაადგილებულ ადამიანთა საცხოვრებელი პირობების გაუმჯობესებას, მათ მიერ მცირე ბიზნესის წარმოებას და არასამთავრობო სექტორში მოღვაწეობას, შემოსავალზე ორიენტირებული საქმიანობის ხელშეწყობას და კონფლიქტის მოგვარებაზე ორიენტირებული უწყებების პოტენციალის გაძლიერებას.

პოსტკონფლიქტური რეაბილიტაციის პროგრამის საშუალებით, რომელიც აფხაზეთისა და სამხრეთ ოსეთის რეგიონებში განხორციელდა, 2008 წლის აგვისტომდე ევროკავშირი საქართველოს ამ რეგიონების ყველაზე დიდ დონორად იქცა. მიუხედავად იმისა, რომ აფხაზეთში ადგილობრივი მოსახლეობის დახმარების პროექტები ჯერ კიდევ მიმდინარეობს, ევროკავშირის მიერ სამხრეთ ოსეთში მიმდინარე პროექტები 2008 წლის აგვისტოს შემდეგ არ გაგრძელებულა.

2008 წლის ოქტომბერში საქართველოსთვის ბრიუსელში გამართულ სპეციალურ დონორთა კონფერენციაზე ევროკავშირმა განაცხადა 500 მილიონ ევრომდე ფინანსური დახმარების გამოყოფის შესახებ 2008-2010 წლებისთვის. ეს ბიუჯეტი მოიცავდა ევროკავშირის მონიტორინგის მისიის (EUMM) (€35 მილიონი) და ევროპის სამეზობლო პოლიტიკის ინსტრუმენტიდან გამოყოფილ დახმარებას 2008-2010 წლებისთვის.

ევროკავშირის მონიტორინგის მისია დამოუკიდებელი მისიაა, რომელიც ევროკავშირის უსაფრთხოების და თავდაცვის პოლიტიკის ფარგლებში ხორციელდება. მისია 2008 წლის ოქტომბერში დაფუძნდა და მისი მიზანი მოსკოვსა და თბილისს შორის ევროკავშირის შუამდგომლობით მიღწეული შეთანხმებების მონიტორინგია.